



REPÚBLICA DEMOCRÁTICA DE TIMOR-LESTE  
MINISTÉRIO DO ENSINO SUPERIOR, CIÊNCIA E CULTURA  
Unidade de Parcerias e Cooperação



Hato'o Ba : Exmu. Coordenador Unidade Relasaun Pública  
Sr. James Roger

CC : Exmo. Chefe Gabinete MESCC  
Sr. José Boavida Simões

: Exma. Diretor Nasional Ensinu Superior  
Sr. Higinio Alves, MPA

Nú. Ref : 244 /MESCC/UPC/V/2026

**Klasifikasaun : Urjente**

**Asuntu : Públikasaun Avizu**

Ho respeito,

Bazeia ba asuntu mensiona iha leten, Unidade Parceria no Kooperasaun-UPK, hakarak informa ba Unidade Relasaun Publika-URP atu halo publikasaun avizu ba **Programa Bolsa Estudu husi Institut Teknologi Bandung tinan Akadémiku 2026/2027**, ba iha **Media MESSK no Website MESSK**. Dokumentu relevante iha aneksu.

Mak ne'e deit ba atensaun no kolaborasaun ami hato'o obrigado wain.

Dili, 18 Maiu 2026

  
**Rosito das Neves e Silva**

**Coordenador UPC**



## AVIZU

### Programa Bolsa Estudo Kompletu hosi Ministériu Ensinu Superior, Siênsia no Kultura- MESSK Timor-Leste Tinan Akadémiku 2026/2027

Ministériu Ensinu Superior, Siênsia no Kultura (MESSK) Timor-Leste, hahu loke programa bolsa estudo kompletu ba Tinan Akadémiku 2025/2026, nível Mestradu ba Nasaun **Indonesia** ho vaga 3 ba área estudo **Tourism Planning/ Perencanaan Pariwisata** ba iha **Institut Teknologi Bandung (ITB)**.

#### A. Kriteria Aplikasaun

##### ❖ KRITERIA JERAL

- 1) Tenki sidadaun Timorensé
- 2) Tenki iha kondisaun saúde (mentál no fiziku) ne'ebé permite atu halo estudo iha rai liur
- 3) La iha rejistu ba kazu kriminál ka ezekusaun sivíl husi tribunál kontra kandidatu
- 4) Kandidatu ba programa: Nível Mestradu ne'e ho idade 40 mai kraik, remata ona lisensiatura

##### ❖ Kritériu Espesífiku:

##### Iha síkulu estudo Mestradu nian:

- Portador diploma lisensiatura ka ekivalénsia, aneksa ho transkrisaun notas no **certidão de habilitação legalizado**;
- Tenki iha koñesimentu Jerál adekadu ho área ne'ebé hili ba especializasaun iha Mestradu nian.
- Tenki domina **lian Ingles no Indonesia** iha nível ko'ália, hakerek no rona ho diak;
- Iha **valór médiu mínimu 3.0** ba eskola iha Institut Teknologi Bandung(ITB). Konsideravelmente equivalente História Escolar ka **Transkrisaun Valór ikus programa Lisensiatura**;
- Ba kandidatu portador diploma lisensiatura ka equivalente ne'ebé mak eis bolseiru Estadu no servisu ona iha Administrasaun Públika Estadu no mos Setór Privadu tenki **hetan rekomendasaun** husi superior hierárkiku fatin servisu nian atu bele konkore ba vaga Mestradu;

#### B. Sei Labele Aplika ba Bolsa nee no Labele Sai Bolseiru, bainhira:

1. Ema ne'ebé iha ona diploma hosi estabesimentu ensinu superior hanesan iha nível Diploma Lisensiatura iha **área seluk ne'ebé la koresponde ho kursu ne'ebé mak ofere**;
2. Ema ne'ebé Eis Bolseiru, uluk estuda iha rai li'ur tuir programa Governu Timor-Leste rasik ka parceria Timor-Leste ho rai seluk maibé **La susesu no lakon bolsa**;
3. Ema ne'ebé mak eis bolseiru susesu iha programa bolsa estudo Governu Timor-Leste nian rasik ka parceria ho rai seluk, hetan esperiênsia servisu iha Administrasaun Públika maibé **la hetan rekomendasaun hosi superior hierárquico** iha fatin servisu ba Administrasaun Públika nian;



4. Funsionáriu permanente Estadu nian ne'ebé **la hetan rekomendasau hosi superior hierárkiku**;
5. Timor-oan ne'ebé mak **hetan pena iha kazu civil ka kriminal tuir akordaun Tribunal nian ka hetan aplikasaun TIR**;
6. Ema ne'ebé hetan moras HIV/SIDA, TBC, ASMA, EPILEPSIA, moras sira ne'ebé facilmente transmissível no, conforme esperiênsia comum médiku nian, gravemente prejudika desempeñu estudante ida nian iha prosesu estudu;
7. Timor-oan ne'ebé hetan espulsaun eh deportasaun husi Nasaun ruma bazeia razaun saída deit;

#### C. DOKUMENTU APLIKASAUN

Dokumentu obrigatóriu ne'ebé tenki submete iha período kandidatura nian mak hanesan tuir mai ne'e:

1. Formuláriu aplikasaun kompletu tuir aprovasaun husi servisu Ministériu Ensinu Superior, Siênsia no Kultura-MESSK responsável ba bolsa estudu
2. Fotokópia **Diploma no Transkrisaun Akademika**, akompaña ho tradusaun iha lian Inglês (tenki legalizadu orijinál hosi MESSK ne'ebé hetan ona akreditaun)
3. Fotokópia Passaporte Valido (karik iha)
4. Sertidaun Moris RDTL, Tradusaun iha lian Ingles bain hira liu bolsa presija **Notariadu** husi Ministériu Justisa
5. Kartaun Eleitoral no Bilete Identidade Kandidatu nian
6. Boletim de Registu Kriminal; no Tradusaun iha lian Ingles, bain hira liu ona bolsa presija **Notariadu** hosi Ministériu Justisa
7. Deklarasaun komprimisiu kandidatura nian katak la ativu bolsa ka manan ona vaga bolsa estudu ruma husi parseiru ruma no devidamente kandidatu rasik mak asina; Tradusaun iha lian Ingles
8. Fotokópia Sertifikadu kualifikasaun iha lian lian Inglês **IELTS (5.0) ka TOEFL (500)**
9. *Curriculum vitae* asina no testamuña husi ema nain rua (Assinatura original kandidatu no testamuña); Uja lian Ingles
10. Atestadu Mediku husi HNGV ka Hospital Referral (aneksa ho nia resultadu analisa); Tradusaun iha lian Ingles; bain hira liu bolsa mak submete
11. Karta Rekomendasaun husi Supervizór fatin serbisu nian ka hosi Universidade (Assinatura no karimbo original); Uja lian Ingles;
12. Esbosu proposta planu peskija nian, *Numeru pagina livre; Tipo Letra Times New Roman ; Tamanbo 12 ba konteudu; Tamanbo 14 ba Titlu no Subtitlu; Espasu 2*; Uja lian Ingles;

#### D. Prosesu Kandidatura

- a. Formuláriu Aplikasaun bele asesu iha Pajina Ministériu Ensinu Superior, Siênsia no Kultura-MESSK
- b. Informasaun klaru bele mai direktamente iha UPK-MESSK, Avenida Marginal no. 4 Colmera - Dili, Timor-Leste, iha oras serbisu nian.
- c. Kalendáriu Prosesu Kandidatura ba *Institut Teknologi Bandung (ITB)*.

f




**REPÚBLICA DEMOCRÁTICA DE TIMOR-LESTE**  
**MINISTÉRIO DO ENSINO SUPERIOR, CIÊNCIA E CULTURA**  
**Unidade de Parcerias e Cooperação**  
Avenida Marginal No. 4 Colmera, Vera Cruz - Dili, Timor Leste



- **Loron 18– 29 Maiu 2026** : Anúnsiu públiku no Devolve aplikasaun mai iha UPC-
- **Loron 03 Juñu 2026** : Anúnsiu Resultadu Selesaun Dokumentu
- **Loron 10-11 Juñu 2026** : Entrevista ho MESCC
- **Loron 17 Juñu 2026** : Entrevista ho ITB Indonesia
- **Loron 17 Juñu 2026** : Pedidu Aprovasaun ba Lista Kandidatu
- **Loron 30 Juñu 2026** : Anunsiu rezultadu final ba kandidatu ne'ebé passa

Mak nee deit, Ba ita boot sira nia atensaun ami hato'o, obrigadu wain

Dili, 18 Maiu 2026

  
**Rosito das Neves e Silva**  
Coordenador UPC